

Sarkina Bt Mat Saad @ Shaari

From: PPA UUM COB
Sent: Wednesday, October 24, 2018 4:46 PM
To: UUM - All Staff; UUM - All Students
Cc: Prof. Madya Dr. Hendrik bin Lamsali; Wan Norazlinda binti Wanchik
Subject: COB SASAR PROJEK BERIMPAK TINGGI BAGI TAHUN 2019



STUDENT DEVELOPMENT
& ALUMNI OFFICE
UUM COLLEGE OF BUSINESS
Universiti Utara Malaysia



Nurturing Future Leaders, Expanding Opportunities

Pejabat Pembangunan Pelajar dan Alumni

OKTOBER 2018 / SAFAR 1440H

=====

“UUM: UNIVERSITI PENGURUSAN TEKEMUKA”
(*THE EMINENT MANAGEMENT UNIVERSITY*)

Berita dan gambar oleh: PPA COB

Assalamualaikum & salam sejahtera

COB SASAR PROJEK BERIMPAK TINGGI BAGI TAHUN 2019



PPA UUM COB ONLINE: Kursus Pengurusan Organisasi (KPO) dan program kemasyarakatan disertai oleh 17 kelab dan persatuan melibatkan 40 pelajar dalam kalangan ahli Majlis Tertinggi kelab/persatuan UUM COB telah berlangsung tanggal 18 hingga 20 Oktober 2018 bertempat di Aseania Hotel and Resorts, Langkawi.

Setiap pelajar didedahkan dengan sesi taklimat berkaitan kewangan, dokumentasi dan penyediaan almanak. Apa yang menarik, pelajar juga didedahkan dengan program kemasyarakatan dengan membantu membersihkan kawasan pesisir pantai Chenang dan berbakti di rumah anak-anak yatim Nur Kasih, Kampung Ulu Melaka, Langkawi. Terdahulu mereka dibawa melawat Galeria Perdana yang menempatkan hadiah dan anugerah yang diberikan oleh pemimpin-pemimpin dunia yang terkenal kepada Perdana Menteri Malaysia, Tun Dr Mahathir Mohamad dan isterinya, Tun Dr Siti Hasmah Mohd Ali.

Dekan Pembangunan Pelajar dan Alumni, Prof Madya Dr. Hendrik Lamsali dalam ucapan perasmian menyeru Ahli Jawatankuasa Kelab dan Persatuan tentang pentingnya pelajar yang telah dilantik untuk berusaha menaikkan nama kelab dan persatuan yang disertai oleh mereka.

“Jadikan kelab dan persatuan yang kita anggotai sebagai salah satu medium mencurah idea serta platform dalam perkembangan sahsiah dan akademik” tegas beliau.

Dr. Hendrik juga menekankan supaya kelab dan persatuan perlu peka dan memastikan aktiviti yang dianjurkan perlu mengambilkira empat perkara utama iaitu ‘Technology Driven’, ‘Industrial Based’, ‘Community Engagement’, dan ‘Oversea Experience’ atau singkatannya TICO.

Persaingan yang sihat antara kelab-kelab dan persatuan ini berupaya menggalakkan ahli-ahli untuk mempelbagaikan aktiviti yang menarik dan berimpak tinggi serta berdaya saing selaras dengan Pelan Strategik Universiti iaitu untuk membangunkan pelajar secara holistik.

Sementara itu, dalam ucapan rumusan Dekan PPA COB, Dr. Hendrik berkata, beliau berharap agar program itu bukan sahaja dapat membantu pelajar untuk lebih mahir dalam menguruskan organisasi sesuatu kelab dan persatuan tetapi secara tidak langsung dapat mengeratkan silaturahim antara ahli jawatankuasa kelab/persatuan pelajar, penasihat dan juga pihak pengurusan Pejabat Pembangunan Pelajar & Alumni, UUM COB.

“Semua pemimpin persatuan perlu mengambil tanggungjawab membawa ahli kelab dan persatuan dengan memupuk ciri-ciri ‘global citizen’, menjadi ‘nation builder’ dan mengambil berat kebajikan dan soal pembangunan akademik ‘fellow students’, ujarinya lagi.

Tamat

Pejabat Pembangunan Pelajar & Alumni
UUM College of Business
Universiti Utara Malaysia
06010 UUM Sintok, Kedah
☎ 04-928 6610
☎ 04-928 6606
Website: <http://uumppacob.uum.edu.my>
Facebook: www.facebook.com/PPACOB



Universiti Utara Malaysia Official Website <http://www.uum.edu.my>

Disclaimer: This e-mail (including any attachments) may contain confidential information. If you are not the intended recipient, you are hereby notified that any review, distribution, printing, copying or use of this e-mail is strictly prohibited. If you have received this e-mail in error, please notify the sender or Universiti Utara Malaysia (UUM) immediately and delete the original message. Opinions, conclusions and other information in this e-mail that do not relate to the official business of UUM and/or its group of companies shall be understood as neither given nor endorsed by UUM and UUM accepts no responsibility for the same. All liability arising from or in connection with computer viruses and/or corrupted e-mails is excluded to the fullest extent permitted by law.